

Акафист Пресвятой Богородице пред иконой «Казанская»



Аудио:

Конда́к 1.

Избра́нной от все́х родо́в Засту́пнице ро́да христиа́нского, покрóвом Своея́ бла́гости покрыва́ющей страну́ нашу́ правосла́вную, благодарственная́ пѣния́ прино́сим Ти́, Богоро́дице, о́ явлѣнии чу́дныя Твоея́ ико́ны. Ты́ же, я́ко Всеми́лостивая, все́х притека́ющих к Тебе́ Помо́щнице, заступáй нас во все́х ско́рбех и ну́ждах, беда́х и напáстех, да зове́м Ти́:

Ра́дуйся, Засту́пнице усѣрдная́ ро́да христиа́нского.

И́кос 1.

А́нгел предста́тель по́слан бы́сть рещи́ Богоро́дице «Ра́дуйся», егда́ Бо́г Сло́во воплоща́шеся во утробѣ́ Ея́: и мы́, грѣшнии, прославля́юще явлѣние чу́дныя Ея́ ико́ны и Божѣственнаго Младѣнца́ Спа́са Христа́, со умилѣнием во́пиемъ Благода́тней:

Ра́дуйся, Богоизбра́нная Отрокови́це; ра́дуйся, Ма́ти Бо́жия.

Ра́дуйся, Цари́це Небесе́ и земли́; ра́дуйся, све́тлое Цѣркве Небѣсныя́ и земны́я украше́ние.

Ра́дуйся, А́нгелы́ чтима́я; ра́дуйся, пева́емая от Серафѣ́им.

Ра́дуйся, све́тлое проро́ческое сбы́тиѣ; ра́дуйся, апо́столов похвало́.

Ра́дуйся, му́ченическое испове́дание; ра́дуйся, преподо́бных вѣ́нче.

Ра́дуйся, пра́ведных весе́лие; ра́дуйся, грѣшных упова́ние.

Ра́дуйся, Засту́пнице усѣрдная́ ро́да христиа́нского.

Конда́к 2.

Ви́дящи, Всенепоро́чная, с высоты́ Небѣснаго жили́ща Своего́, иде́же с Сы́ном Твои́м в сла́ве пребыва́еши, ско́рбь рабо́в Твои́х в новопросвѣщенномъ гра́де, я́ко гнѣвнаго ра́ди Бо́жия посещѣ́ния ве́ра Христо́ва поруга́ема быва́ет ага́рянским злове́рием, благово́лила еси́ я́вити ико́ну Свою́, чудесе́́ ю́ прославля́ющи, да утвержда́емии зна́меньми Твоея́ благода́ти, хри́столю́бви́и лю́дие ве́рно вопи́ютъ Бо́гу: Аллилу́иа.

И́кос 2.

Разуме́ние трикратнаго явлѣ́ния Богома́тере му́драя отрокови́ца и́щущи, течѣ́ ко власте́м, пове́дающи́ имъ дѣ́вное явлѣ́ние и гро́зное пре́щенье: мы́ же дивя́щеся свѣ́ше да́нному отрокови́це вразумле́нию, благоговѣ́йно во́пиемъ к Преблагослове́нней:

Ра́дуйся, устна́ми чи́стыми хвалу́ Бо́гови соверша́ющая; ра́дуйся, та́йны благода́ти Бо́жия ве́рным открыва́ющая.

Ра́дуйся, неве́рных сумни́тельное слы́шание; ра́дуйся, ве́рных изве́стная похвало́.

Рáдуйся, мóлние, невёрных устрашающая; рáдуйся, славою чудес Твоих вёрных разум озаряющая.

Рáдуйся, агáрянскаго зловерия обличение; рáдуйся, гордыни их низложение.

Рáдуйся, веры христианския утверждение; рáдуйся, почитания святых икон освящение.

Рáдуйся, скорбь нашу в радость претворяющая; рáдуйся, несумненною надеждою нас увеселяющая.

Рáдуйся, Заступнице усердная рода христианскаго.

Конда́к 3.

Сила Вышняго благодатию Богоматере умудри и укрепи отроковицу к исканию многоценнаго Божия дара, и та, с верою дерзаящи о Господе, приступи к труду и, скрытое в земли обретши сокровище святых иконы Богоматери, радостно возопи к Богу: Аллилуиа.

И́кос 3.

Имеючи благоутробное промышление о новопросвещенных людех града Казани, от пречестных Твоея иконы токи чудес источила еси, Владычице, слепым телесными очима зрение подаваящи, омраченных же душевно светом богопознания и благочестия озаряючи, девствующим под осенением Твоея иконы пристанище небурное дарующи. Сего ради зовем Тя:

Рáдуйся, явлением иконы Твоея тму лютых обстояний отгоняющая; рáдуйся, лучами чудес всех просвещающая.

Рáдуйся, слепых прозрение; рáдуйся, омраченных смыслом просвещение.

Рáдуйся, славо Православия; рáдуйся, тихое пристанище ищущих спасения.

Рáдуйся, Мати целомудрия; рáдуйся, покрове и ограждение девства.

Рáдуйся, Еюже ликовствует все множество верных; рáдуйся, Еяже ради рыдает демонское полчище.

Рáдуйся, всех христиан вожеленная Помощнице; рáдуйся, всех скорбящих Радосте.

Рáдуйся, Заступнице усердная рода христианскаго.

Конда́к 4.

Бурю смятений и крaмóлы врагами воздвигнутую в стране нашей утолити тщащся блаженный Ермоген, писатель чудес Твоея, Богомати, иконы, слезно пред нею молящися и, видев, яко воинству православному в щит и победное знамение Твоя икона даровася, верою укрепляемый до конца живота своего, вопиаше Богу: Аллилуиа.

И́кос 4.

Слышавше православнии воины откровенную Преподобным Сергием святителю Арсению тайну, яко предстательством Богоматере суд об Отечестве нашем преложен на милость, икону Богоматерню, яко знамя победное, приемше, исхитиша мать градов русских из рук супостат и возопиша Заступнице христиан:

Рáдуйся, Мати Бога Вышняго; рáдуйся, яко за всех молиши Сына Твоего, Христа Бога нашего.

Рáдуйся, яко всем твориши спастися в державный Твой покров прибегающим; рáдуйся, Заступнице всех сущих в скорбех и болезнях.

Рáдуйся, всем молящимся сокрушенным сердцем пред пречистым Твоим образом полезная дарующая; рáдуйся, избавление зл всем, невозвратно надежду имущим на Тя.

Рáдуйся, тихое и доброе пристанище; рáдуйся, скорая Помощнице.

Рáдуйся, готовый и теплый покрове спасения; рáдуйся, источающая нам неоскудная милости.

Рáдуйся, предваряющая на помощь; рáдуйся, избавляющая от всех бед.

Рáдуйся, Заступнице усердная рода христианскаго.

Конда́к 5.

Боготѣчная звездá явѣя Твоя, Богомáти, икона, всю страну Россійскую обтекающая, лучáми чудес Твоих осиявающая всех блуждающих по мóрю страстнаго житія, мрáк печáлей и мглу всяких недуг и скорбей прогоняющая и наставляющая на путь спасения с вѣрою к Тебѣ притекающих и вопиющих к Бóгу: Аллилуиа.

Икос 5.

Видев царь Пётр, яко от святія иконы Богомáтери благодатию Бóжиею содеваются многия чудеса, приѣмлет ю в путеводительницу воинству своему и в день брани на свеев в щит и покрóв, и победив до конца врага с помощью Богомáтере, тем камень совершенный во основание новаго царствующаго града положи, икону же Твою чудную, яко освящение, яко щит и ограждение, в сердце града постави. Сего ради вопиём Пречистой:

Рáдуйся, жилище и доме Христа Бóга нашего; рáдуйся, вместилище неизреченныя Его славы.

Рáдуйся, граде одушевленный, присно царствующий; рáдуйся, палáто преукрашенная.

Рáдуйся, Рáдосте градов и весей; рáдуйся, непобедимое христиán в бедах хранилище и предградие.

Рáдуйся, Цѣркве Православныя похвалó; рáдуйся, Рýсской земли утверждение.

Рáдуйся, христоролюбиваго воинства Помóщнице; рáдуйся, врагов одоление.

Рáдуйся, от бед избавление; рáдуйся, Мáтерними Твоими щедрóтами всех посещáющая.

Рáдуйся, Застúпнице усérдная рода христиánскаго.

Кондак 6.

Предстояще пред пречистым Твоим óбразом архиереев сослóвии и вси людие, монаси и мирстии, проповѣдуют, Госпоже Богородительнице, великия Твоя милости, яко грады ограждаеши, обители покрываеши, веси защищаеши, и, ведуще Тя воистинну Помóщницу сильну и непобедиму, со слезáми приносят Ти молитвы, да прострѣши к Сыну Твоему Богонóсныя рýки за люди Твоя, во еже избáвити нас от всех бед и напáстей, да благодарне вопиём Бóгу: Аллилуиа.

Икос 6.

Возсиявши просвещение истинное и отгнавши дрéвле лѣсть агáрянскую во новопросвещенней странѣ Казáнской, ныне во всех градах российских светиши свѣтом чудес и милостей: притекающи бо с вѣрою ко Твоей иконѣ цельбонóсней скорбей избавление, недугов исцеление и радости всякия исполнения приѣмлют, вопиюще Тебѣ усérдно:

Рáдуйся, неистощимый истóчнице святыни; рáдуйся, многотекущая рекó Божѣственная благодати.

Рáдуйся, грѣшных с Бóгом примирение; рáдуйся, грехов наших очищение.

Рáдуйся, благочестия Настáвнице; рáдуйся, в добрых дѣлах утверждение и помóще.

Рáдуйся, добрыя обѣты приѣмлющая; рáдуйся, благим намѣрением способствующая.

Рáдуйся, злыя начинания разрушающая; рáдуйся, вражия козни расторгáющая.

Рáдуйся, скорая человеком Помóщнице; рáдуйся, милость сугубо нам подающая.

Рáдуйся, Застúпнице усérдная рода христиánскаго.

Кондак 7.

Хотящу народу православному исповѣдати милости Преблагословенныя Царѣицы Нѣба и земли и по силѣ благодарственная принести о избавлении его от нашествия иноплемѣнных, дивному храму, созданному в честь пречудныя иконы, побѣдная в дар принесѣ, да вси пáмятующе милость Богомáтере, спасаши град сей и страну, вину воспевают Бóгу благодарными усты: Аллилуиа.

Икос 7.

Стóльному граду Россіи святáя икона Твоя, Богомáти, воистинну явѣя благáя Одигитрия, якоже дрéвле Цареграду: к Тебѣ бо прибегают людие, помóщи Твоея на начало пути и дѣл своих просяще и благодарственная приносяще молѣния пред пречистою иконою Твоею за избавление от скорбей и напáстей, Тебѣ Помóщницу и Застúпницу крѣпкую вѣдают. Темже благодарственно вопиём Ти:

Ра́дуйся, Росси́йския страны́ покрóве; ра́дуйся, Правосла́вия в не́й огражде́ние и утвержде́ние.

Ра́дуйся, несокруши́мый щите́ вои́нов на́ших; ра́дуйся, бронё́ их неуязви́мая.

Ра́дуйся, ко́зни враго́в облича́ющая; ра́дуйся, я́ко паучи́ну их растерза́ющая.

Ра́дуйся, нече́стия обличе́ние; ра́дуйся, крамо́лы разруше́ние.

Ра́дуйся, ю́ных от заблужде́ний исправле́ние; ра́дуйся, ста́рцев утеше́ние.

Ра́дуйся, душевре́дных уче́ний низложе́ние; ра́дуйся, душеполе́зных зна́ний дарова́ние.

Ра́дуйся, Засту́пнице усёрдная ро́да христиа́нского.

Конда́к 8.

Стра́нно и сумни́тельно неве́рующим слу́шати, ка́ко от ико́ны Твоея́ то́ки благода́ти истекáют, воня́ живóтная благоухáет: мы́ же, ве́рующе сло́ву, рече́нному Тобо́й, Влады́чице, к перво́написа́нной ико́не: «С тобо́й Моя́ благода́ть и си́ла», упова́ем, я́ко и с се́ю ико́ною благода́ть Твоя́ ви́ну: те́мже благоговéйно предстоя́ще лобыза́ем ю́, поклоня́емся ей, я́ко Тебе́ Самей́ су́щей, че́сть бо ико́ны на первообра́зное восхо́дит, и Твоя́ благода́ть се́ю ико́ною зна́мения и чуде́са содева́ет все́м с ве́рою притека́ющим к Тебе́ и вопи́ющим Бо́гу: Аллилу́иа.

И́кос 8.

Вся́ бывши́ горé, к Небе́сным взя́та, и земны́х не оставля́еши, Богома́ти, священным Твои́м предста́тельством: има́ши бо ма́тернее дерзнове́ние ко Христу́ Бо́гу на́шему. Те́мже утверди́ в ми́ре глубо́це правосла́вных житиé и вся́ поле́зная всегда́ да́руй рабо́м Твои́м, да велича́юще воспева́ем Ти́:

Ра́дуйся, Невместима́го вмести́лище; ра́дуйся, осенённая си́лою Вы́шняго.

Ра́дуйся, прозя́бшая Клас Небе́сный; ра́дуйся, ми́р весь душепа́губнаго глáда изба́вльшая.

Ра́дуйся, ви́ну ходата́йствующая за ро́д на́ш; ра́дуйся, я́ко мно́го мо́жет моли́тва Твоя́ пред Сы́ном Твои́м и Бо́гом.

Ра́дуйся, все́х на́с при Крестé Сы́на Твоего́ усыновив́шая; ра́дуйся, всегда́ Ма́тернюю любо́вь к на́м явля́ющая.

Ра́дуйся, Ходата́ице вéчных бла́г; ра́дуйся, и во вре́менной жи́зни поле́зная на́м пода́ющая.

Ра́дуйся, изве́стное прибе́жище на́ше во все́х ско́рбных обстоя́ниях; ра́дуйся, несомне́нное утеше́ние в печа́лах.

Ра́дуйся, Засту́пнице усёрдная ро́да христиа́нского.

Конда́к 9.

Вся́каго естества́ а́нгельскаго превы́шшая яви́лася еси́, Пресвята́я Де́во: Бо́га бо зачала́ еси́ плóтию, Невместима́го все́ми вмести́ла еси́ во утробе́ Твое́й, на руках носила́ еси́ Нося́щаго весь ми́р длáнию: те́мже, я́ко Честне́йшую Херувим и Сла́внейшую без сравне́ния Серафим велича́юще Тя́, вопие́м о Тебе́ Бо́гу: Аллилу́иа.

И́кос 9.

Вити́я многовещáнная, я́ко ры́бы безгласны́я, ви́дим о Тебе́, Богороди́це: недоуме́ет бо вся́к язы́к благохвалити́ Тя́ по досто́янию, изумева́ет у́м пéти Тя́, Богороди́це; о́баче Благо́я су́щи, приими́ и от на́с архáнгельский глас, Тебе́ вопи́ющих:

Ра́дуйся, Благода́тная; ра́дуйся, я́ко Господь с Тобо́ю.

Ра́дуйся, Благословéнная в жена́х; ра́дуйся, обрётшая благода́ть у Бо́га.

Ра́дуйся, роди́вшая Спаси́теля ми́ру; ра́дуйся, Ма́ти Сы́на Бо́жия.

Ра́дуйся, Роди́тельнице Вéчнаго Царя́; ра́дуйся, израсти́вшая на́м пло́д живото́а.

Ра́дуйся, освяще́нная Ду́хом Святы́м; ра́дуйся, осенённая си́лою Всевы́шняго.

Ра́дуйся, ве́рная Рабо́ Господня́; ра́дуйся, я́ко Тя́ блажа́т вси́ ро́ди.

Ра́дуйся, Засту́пнице усёрдная ро́да христиа́нского.

Конда́к 10.

Спасти́ хотя́щи мно́гия от находя́щих зóл, скорбе́й и болéзней, чу́дную ико́ну Твою́, Богома́ти, дарова́ла еси́, ея́же ра́ди слéпии презира́ют, хроми́и хо́дят, рассла́бленнии возста́ют, бесну́ющиися исцеля́ются, земли́ плодонóсие подаётся, лю́дие от смертоно́сных я́звы

избавляются, грады и домы от огня спасаются: темже прославляюще Бога, дающего нам таковыя милости, вопиём Ему усердно: Аллилуиа.

Икос 10

Стенá еси, Богородице, странé Российстей, градом ограждение и слава, православному войнству на враги укрепление. Темже, благодаряще Тя, вопиём:

Рáдуйся, прославляющих Тя прославляющая; рáдуйся, не чтущих Тя посрамляющая.

Рáдуйся, врагов устрашение; рáдуйся, от нашествия иноплемённых избавление.

Рáдуйся, воинов крепосте; рáдуйся, в дни брани забрало и ограждение.

Рáдуйся, в дни мира живонóсный саде, увеселяющий сердца верных; рáдуйся, оружие, егоже трепещут демони.

Рáдуйся, спасительный елей, умащающий греховныя раны кающихся; рáдуйся, тёплое наше упование.

Рáдуйся, несумнённая наша Надéждо; рáдуйся, тихое и доброе пристанище.

Рáдуйся, Заступнице усердная рода христианскаго.

Кондак 11.

Пение хвалёбное и благодарственное приносят Тебé, Владычице, припадающе ко иконе Твоей и любезно лобызающе ю, дев лицы, под державным покровом Твоим тихое и мирное иноческое житие провождающи, и возложивше на Тя всё упование, радостно вопиют Богу: Аллилуиа.

Икос 11.

Яко светоприёмную свещу, зрим Твою честную икону, Пресвятая Владычице: та бо невещественный огонь благодати Твоея восприемши, и в подобиих её нобы возжигает светильники, причастны тояжде силы благодатныя, и озаряет чудесы, наставляющи на путь спасения всех вопиющих Ти сице:

Рáдуйся, Невéсто Невéстная; рáдуйся, Богоизбранная Отроковице, Мати Дéво.

Рáдуйся, добрая Наставнице непорóчнаго дéвства; рáдуйся, Хранительнице ревнующих о чистотé.

Рáдуйся, жён похвалó; рáдуйся, дéв величание.

Рáдуйся, вдов заступление; рáдуйся, сирóт призрение.

Рáдуйся, нищих Питательнице; рáдуйся, нагих одеяние.

Рáдуйся, печальных утешение; рáдуйся, скорбящих веселие.

Рáдуйся, Заступнице усердная рода христианскаго.

Кондак 12.

Благодать дати восхотéвши почитающим Тя с любовью, Богородительнице, присущего Ти силу благодатную оставила еси во святых Твоих иконах, ибо Божественная благодать, спребывающи тем (иконам), знамения и чудеса выну содевает и душевных и телесных неду́г исцеление всем с верою приходящим подаёт Твоими Богоматерними непрестанными к Богу молитвами о вопиющих Ему: Аллилуиа.

Икос 12.

Поюще Твоя чудеса, бывшая в древняя и настоящая временá, хвалим Тя, яко Живонóсный Источник благодати, яко неистощимую реку́ чудес, яко бездну милости и щедрóт, и всё упование по Бóзе возлагающе на Тя и в сей и в будущей жизни, прославляюще Тя, вопиём:

Рáдуйся, христиан непостыдное упование; рáдуйся, верных спасительное прибежище.

Рáдуйся, ненадёжных надеяние; рáдуйся, отчаянных спасение.

Рáдуйся, ба́не, омывающая совесть; рáдуйся, росó, оживляющая души.

Рáдуйся, болезней врачевство́ скорое и безмездное; рáдуйся, от всех бед быстрое избавление.

Рáдуйся, Утешительнице во всякой скорби; рáдуйся, из глубины погíбели спасающая.

Рáдуйся, отрадо в день смёрти; рáдуйся, единая Надéждо и по смёрти.

Рáдуйся, Заступнице усердная рода христианскаго.

Конда́к 13.

○ Всепета́я Ма́ти, рож́дшая всѣхъ святѣйшее Слово, приими ны́не ма́лое сие моле́ние и, вели́чия ра́ди бла́гости Твоея́ и без́дны щедро́т Твои́х, не помяни́ мно́жества грехо́в на́ших, но испо́лни во благо́х прошѣ́ния на́ша, подава́ющи тѣлу́ здра́вие, ду́ши спасе́ние, избавля́ющи от вся́кия ну́жды и печа́ли и Ца́рствия Небе́снаго насле́дники сотворя́ющи всѣхъ ве́рно вопи́ющих Бо́гу: Аллилу́иа.

Э́тот конда́к чита́ется трижды, затемъ икосъ 1-й и конда́к 1-й.

Моли́тва 1-я.

○ Пресвята́я Госпоже́ Влады́чице Богоро́дице! Со стра́хом, ве́рою и любо́вию припада́юще предъ честно́ю ико́ною Твое́ю, мо́лим Тя: не отврати́ лица́ Твоего́ от прибега́ющих к Тебе́, умоли́ милосе́рдая Ма́ти, Сы́на Твоего́ и Бо́га на́шего, Го́спода Иису́са Христа́, да сохрани́т ми́рну страну́ на́шу, Цѣ́рковь Свою́ Святу́ю да незы́блему соблюде́т от невери́я, ересей́ и раско́ла. Не има́мы бо ины́я по́мощи, не има́мы ины́я наде́жды, ра́зве Тебе́, Пречи́стая Де́во: Ты́ еси́ Всеси́льная христиа́н Помо́щница и Засту́пница. Изба́ви всѣхъ с ве́рою Тебе́ моля́щихся от паде́ний грехо́вныхъ, от наве́та злы́х челове́к, от вся́кихъ искуше́ний, скорбе́й, бе́д и от напрасны́х сме́рти: да́руй намъ ду́х сокруше́ния, смире́ние се́рдца, чистоту́ помышле́ний, исправле́ние грехо́вныя жи́зни и оставле́ние прегреше́ний, да вси́ благода́рне воспева́юще вели́чия Твоя́, сподо́бимся Небе́снаго Ца́рствия и та́мо со все́ми святы́ми просла́вим Пречестно́е и Великоле́пое И́мя Отца́ и Сы́на и Свята́го Ду́ха. Ами́нь.

Моли́тва 2-я.

○, Пресвята́я Влады́чице Богоро́дице, Цари́це Небеси́ и земли́, вы́шшая а́нгел и арха́нгел и всея́ тва́ри честне́йшая, чи́стая Де́во Мари́е, ми́ру благая́ Помо́щница, и все́м лю́дем утвержде́ние, и во вся́кихъ ну́ждахъ избавле́ние! При́зри и ны́не, Госпоже́ Всеми́лостивая, на рабы́ Твоя́, Тебе́ умиле́нною душо́ю и сокруше́нным се́рдцем моля́щихся, со слеза́ми к Тебе́ припада́ющия и покланя́ющияся пречи́стому и цельбоно́сному образу́ Твоему́, и по́мощи и заступле́ния Твоего́ прося́щия. О, Всеми́лостивая и Премилосе́рдая Де́во Богоро́дице Чи́стая! Воззри́, Госпоже́, на лю́ди Твоя́: мы́ бо грешни́и не има́мы ины́я по́мощи, ра́зве Тебе́ и от Тебе́ рож́дшагося Христа́ Бо́га на́шего. Ты́ еси́ засту́пница и предста́тельница на́ша. Ты́ еси́ обидимыхъ защи́щение, скорбя́щимъ ра́дование, си́рымъ прибежи́ще, вдова́м храните́льница, де́вамъ сла́ва, пла́чущимъ весе́лие, больнымъ посеще́ние, немощнымъ исцеле́ние, грешнымъ спасе́ние, Сего́ ра́ди, о Богома́ти, к Тебе́ прибега́ем, и на Тво́й Пречи́стый о́бразъ с Предвѣ́чнымъ на руку́ Твое́ю держи́мымъ Младенце́м, Го́сподемъ на́шимъ Иису́сом Хри́стомъ взира́юще, умиле́нное пѣ́ние Тебе́ прино́сим и вопие́м: поми́луй насъ, Ма́ти Бо́жия, и прошѣ́ние на́ше испо́лни, вся́ бо су́ть возмо́жна ходата́йству Твоему́: я́ко Тебе́ сла́ва подоба́ет ны́не и прѣсно и во ве́ки веко́в. Ами́нь.



Купить книгу (<https://azbyka.ru/books/#!/Акафист-Пресвятой-Богородице-в-честь-иконы-КАЗАНСКАЯ/p/212451820>)